

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 Ip 120816 25 Ip
Bugojno, 15.9.2025. godine

Općinski sud u Bugojnu, sudija Ivan Sokanović, u izvršnom postupku tražioca izvršenja S-Prom d.o.o. Bugojno, ul. Udrulije bb, Bugojno, zastupano po punomoćnici advokatici Ameli Duvnjak iz Bugojna, protiv izvršenika GREEN BUILDING-ZELENA ZGRADA d.o.o. Bugojno, Podgaj bb, Bugojno, zastupano po direktoru društva Wahid Mohamed Mabrouk Elkharsa iz Sarajeva, radi prodaje pokretnih stvari izvršenika, van ročišta, 1.9.2025. godine je donio sljedeći:

Z A K L J U Č A K
O PRVOJ PRODAJI POKRETNIH STVARI

Zaključkom ovog suda broj gornji sud će odrediti prvu prodaju navedenih pokretnih stvari izvršenika.

1. određuje prva prodaja sljedećih pokretnih stvari izvršenika:

Red. br.	Opis popisanih stvari	Kom.	Vrijednost
1.	Presa sa elektro ormarom, serijski broj:2PB-C-DA Zemlja porijekla Kina	1.	10.000,00 KM

i to putem usmenog javnog nadmetanja na dan **1.10.2025. godine u 13:00 sati, u zgradi Općinskog suda u Bugojnu, soba broj 1.**

2. Utvrđuje se da je ukupna vrijednost pokretnih stvari iz tačke 1. ovog zaključka 10.000,00 KM.
3. Najniža prihvatljiva ponuda po kojoj se jedna predmetna stvar može prodati je 1/2 utvrđene vrijednosti stvari.
4. U javnom nadmetanju kao kupci mogu učestvovati samo lica koja su prethodno dala osiguranje koje iznosi 1/10 utvrđene vrijednosti po pokretnoj stvari, s tim što ne može iznositi više od 10.000,00 KM. Lica koja sudjeluju u javnom nadmetanju su dužna prije početka ročišta sudu predati dokaz o uplaćenom osiguranju. Osiguranje se polaže na depozitni račun Općinskog suda u Bugojnu br. 1011300000295629 kod Privredne banke Sarajevo, sa naznakom broja predmeta.
5. Ponuđačima čija ponuda ne bude prihvaćena osim za tri najbolja ponuđača, će se vratiti osiguranje odmah nakon zaključenja javnog nadmetanja.
6. Ponuđač s najvećom ponudom je dužan platiti cijenu 7 dana nakon objavljivanja rezultata ročišta za prodaju. Ako to ne učini, drugi ponuđač biće proglašen kupcem i dužan je platiti cijenu koju je ponudio i tako redom.
7. U slučaju da nijedan ponuđač ne plati cijenu, sud će na zahtjev jedne od stranaka oglasiti da ročište za prodaju nije uspjelo, a stranka može, u smislu odredbe člana 131. stav 3. Zakona i izvršnom postupku („Sl. novine FBiH“ br. 32/03,

52/03, 33/06, 39/06, 39/09 i 35/12, u daljem tekstu: ZIP), u roku od osam dana tražiti zakazivanje novog ročišta.

8. Ukoliko nijedna stranka ne predloži održavanje novog ročišta za prodaju u roku iz tačke 5. ovog zaključka ili ako se stvari ne uspiju prodati na drugom ročištu, sud će, u smislu stava 5. navedenog člana, obustaviti postupak.
9. Ovaj zaključak o prodaji biće objavljen na oglasnoj tabli suda, a tražilac izvršenja ga može objaviti i u javnim glasilima o svom trošku.

Sudija
Ivan Sokanović

Pouka o pravnom lijeku:

protiv ovog zaključka nije dopušten pravni lijek.